



16
2763
3



門 八 10
2763
3

清江楊忠節公遺集四卷

古今體詩卷下

將還山畱別潞水

聖代容臣拙江湖乞此身振蟬辭惡木采葛念恭人毛髮
當秋靜魚龍懷雨新遲遲向北望日月抑何仁
羈棲三月久臨去百憂生上谷勞周戍松山望 城風寒
馬易蹇石溼火偏明寂歷心期渺茫茫萬古情
念亂知無力懷山亦自傷衣冠仍羽獵天地此川梁石戶
安舟稅澤鴻敵瓦霜濟人然後去虎豹笑吾狂
勞歌聞側岸幽動自高深日落人歸路風苛雉畏林相逢

昭和十七年
三月十一日
楊忠

殘樹色盡有厭兵心感此方遙夜所思安可尋
大海高秋氣東流不盡聞蟲聽何處雨鳥學無心雲近水
鄉情共移山舟勢分四方時獻馘盜賊爾為羣
負壑東門外探書枕竹坳雪田畱雀黍籬屋接鳩巢古道
桑麻異忘情風雨交知仁各有性土木莫相嘲

道中逢張侍御

亂後能相見同時生死心空懷天下計獨向澤中吟南國
征輸盡西風怨曠深悠悠君子遠緯恤達寒碇

濟上別楊簡討兼懷吳編修

不信離羣久相逢秋水寒河流南北辨尊酒晦明看編竹

通山鳥移書近考槃願言慎所與憂樂非一端

憶昔趨廬日如君直道難祇今歸汶澤舉世媿河干水樹

魚心險石梁虎力寬獨懷同調者風雨隔前灘

宿遷湖上

考證江南通志宿遷縣春秋時鍾吾子國秦下相縣明屬淮安府邳州

遙岸秋山靜鄰天不可窮蒲田鶯頌雨蟲逕鳥鳴風國稅

江湖在人家杼軸空我行憂未已禾黍正芄芄

茅深人跡少魚筍見星辰不悟濠梁樂誰知澤國貧農閒

菱茨熟客久鴈鳧親何處干戈息勞思逐楚臣

宿承恩僧房

十年拓落舊巾裘風雨重過迷子洲賦菊當時慙內史

蘭深夜誦前修客簫寒到江潮晚宮樹霜聞鷓鴣雀秋水競
閒心流不任故人猶自說吳鉤
水城鐘鼓送霜兼欵枕何須學絮霑無竹匝林逢孝緒誰
人載月問文潛衝橋清嘯寒兼酒近市禪棲風礙簾再理
薄衾眠未得啼烏枝上夜厭厭

別王簡討章給事

漢水懷繁芷逢君漫執裾歌騷吹玉瑟舞禮笑焚書夜火
漁歸後秋墳水落初勞勞頻極目荷笠學經鋤
江城寒易雨別酒夜難醒密藻魚鬚惑深山虎乳平楚狂
甯辟蜀陶隱空祝荆與子相期處龍沙不著名

別王簡討章給事燕子磯

送客新亭夜渡關隔舫漁火荻風閒崩崖帶石扶危草獨
樹逢人望遠山兄弟悲歌黃葉後霸王興廢白雲間濁醪
不惜判泥飲愁聽江楓鬢欲斑

劉旅皇

主人多涉趣近郭見山情築舍依江岸看花望帝城稻田
鷄犢靜春水石魚明余亦西歸去長歌笑墨卿

錢尊生上春官

考證錢謙亨字尊生新喻前墟人崇禎己卯登南京鄉薦闖逆之變初仗

義於其鄉旋棄家赴虔州授兵部主事與楊萬諸
公同殉難死子崑諸生亦從死焉乾隆四十一年
賜諡烈愍

露重石頭城秋雲聽雁聲十年方得志獨夜見交情蕪芷
鳩糧熟鐘山月色明東南多寶氣春事逐潮生
同學今如此公孫未恨遲感君獻賦日正我退耕時野戍
吹樵角深江號澤麋商謳寒不盡采采慰繁思

再別王簡討

湘水深深鷓鴣石飛清濁何年待客歸三城盡處青天近五
水移來白鳥饑故人不信清與濁屈生何知當觸角清濁
或在水與石半山何爲鼠獨咏蚶蚶秋露泣楓葉褰裳臥
石不可涉橘酒熟時鱗筐肥明星動處魚唇啜我行江上
如鳧棲天南地北百尺齊鳳凰不至燕雀喜岸白楓赤田
驅雲怒鼓洗吳刀抹石排濤回龍臆

山行

山行誤亦好經日遂忘歸隱市藏蜡雨暗田蘊石衣谷深
紅葉靜蟲撲白蒿肥顰與安期語寒鷹莫競飛
棲心冥事外處拙任薪蒸北隱疑雲寄南陵望日升江山
欺怪鳥風雨悟摻藤何用言難住安時能未能

山行喜雪

雲深不礙谷短竹靜風牀爲愛遲兼拙非關醒得狂虎心

疑鬪石鵲隱怯聞霜負雪資遐討居然山水鄉
輕履刪蓬徑寒冰獸跡開野人供豆粥雜火近陶栝雨氣
懸髡樹溪深費石苔同遊意未已猶抱白雲來

游張公洞諸勝

考證洞在宜興縣
即張道陵修鍊處

幽涉意無盡高堅自古今山川存阮氣樵牧達堯心蠹樹
防雲牖鞭龍闕石林曠懷欣可觀勝託得遙深
屢渡安盤谷危巢鳥路荒護松留鹿室吹石澀魚糧東土
笙歌迴西溪草木長此中莊惠意不羨平泉忙
隱壑驅元化鴻濛未許開窮天日月險宿草雨雲來杖履
延秋力移舟靜物才不知溪盡處長嘯傲徂徠

湘靈不可問落葉濟風時枕石深瓊螺聽山號澤狸衣冠
開闢冷昏旦見聞移窈密千年事成連幸在茲

善卷洞

考證洞在常州府荆溪
縣卽祝英臺故宅也

誤看儒書三十年南湖北嶺且高眠水吹雪磴開樵路風
啄寒花過鴈田世事荒唐靈鬼笑山經罔蕩化人傳謾逢
方外狂司馬空續先生後蝨篇

書邵氏詩卷

古懷不可作落月見皇初鷄黍前人約蒲葅處士廬土牀
安樹屋山獸擇魚負釜刪農術驅車授化書蓼莪我難再
讀蕭蕭風雨餘

不識羲農事空疑天地心世人逢醉飽好鳥辨山林春水
草聲壯晚梅江氣深知君有樂處倚柱聽商吟
海上多神物棲遲已十年英田風磬外村火夜潮邊忠信
安僮僕憂虞愾鮪鱸舍南春酒熟猶問野人船
壯歲稱儒隱相看白髮多瘋憂仍閉戶魚卧不驚菘是處
悲蛇虎斯人老薜蘿可能忘國恤咸遜竟如何
著書長日月風雨滿城隅近郭交徒少藏身弁帶殊支床
存簡畧吟菽傲饑愚運甓非無意狂歌嘆卒瘡

過崑山潛焉雨涕

有序

先子嘗爲邑尉麟五歲授經於此今三十九年矣
荒臺聞海氣寒鳥叫春潮井邑干戈靜波濤虎兕驕閭情
依正直往事憶風謠信宿知何極愴魂明月樓
昔者聞詩處傷心有歲年魚羹羞鳥獸衾枕異山川蛇蠍
邱中路鳧鷖水外田徘徊石磴澀揮淚卧江邊
芟橘三江宅鼃鼃萬里流當時朋舊盡隔水野雲愁啖粟
徵遺事登山泣廢邱誰將吳季夢飄泊滿蘆洲
溪邊城北寺雨後海東山吳楚星辰潤江湖盜賊艱故人
同寂寞孺子獨疎頑猶有滄洲在歸來得澹閒
高樓巢水面落日宿桑阿弟妹凋零久家鄉寤寐多鷺瑩

謀草木風雨辨江沱今夜何人在殷勤載酒過
墨守繇來易騷歌不為名鯨鯢方隱見江漢自清明禾黍
通機澤梅花號鹿城東菑幸可築慎勿負吾生

簡凌參政

江左推微子山南媿翟翁昔人同出處吾道任瘖聾楚雪
吹吳樹春風溼海虫懷君不可即明月動青楓
同時多逐客慷慨負鄒生有道貧非病不才鳴亦烹詔書
勞澤國烽火豢襄城捷宦皆如此逢人莫論兵

別宜興諸子兼呈周太傅

按凌參政疑即凌忠介公義渠也時劉安行惡之以年例出為福建參政事詳明史楊世儀識
公死益無聊已而過宜興

訪盧公子孫再放舟婁中與天如師及余會飲十
口嘉定程孟陽為畫髯參軍圖余得臨江參軍一
章周太傅即周延儒為公辛未會試座師公前
遇禍賴周救之

汎宅安鳩雨春流任甕炊聞雷封魍魎立水黨鳧鷖蓬冷
西州路祠開北寺時深慚知己重感慨讀騷離
夫子居南郭溪深納竹田放船歸綠草埽屋辟青蠅松桂
山間市鱗魴雨後天中興今日事猶道武宣年
大道存遺直幽忠久益彰扶藤纏日影激石動寒漿巢杖
依賢聖屠傭遂隱狂東都蕭散日憂樂未能忘
西洛思司馬中朝憶老更閒居憂社稷詔使動公卿齊魯
屨絲盡幽燕馬骨鳴為煩明主意民力竭桑柘

按延儒所取士張溥嘗勸延儒若再相易前轍可重得賢聲公此詩以中興今日事望之以遺直幽忠諷之意亦猶張溥也又考明史延儒再召之初悉反體仁輩弊政中外翕然稱賢其首請蠲逋減稅或亦有觸於此詩而為之者歟楊世儀識

辟人惠山簡馬編修兄翁

遠水高城直霜舟夜鶴悲相逢鋒鏑後獨在踴號時蕩火
吳宮樹溼花何隱碑簡散平生意離愁滿澤蘼
避喧尋石徑酌水療頑貧山響風留鶴湖深草動人野鐘
孤塔靜喬木一巢親江漢方多故空憐南國春

按馬編修即馬文肅公世奇與公同舉辛未進士是時馬公以父憂歸故詩意前首第四句及之楊世儀識

游華山

石路盤荒虎豹稀寒風朝攬水田衣青虫坐樹山間月白
雁懷霜夜過磯鷓化幾時銅瓦冷鬼移何處竹根肥彥深
自有邱墳在蓮社攢眉未肯歸

雪夜重過湄隱園凄然傷之

明月淒魂撼九關桃溪風雨暗青灣梅花晝冷川陵老籜
竹寒吹鼠雀閑但許元鷹蒙上賞誰教韋虎得生還至今
野叟悲遺事劍戟猶依木葉山

不見湄翁十七年空傳釣隱夢山前松聞兩岸江東樹火
怒千家河北田人事傷心風雪外潮聲愁語柘桑邊他時

莫問朝歌長聽鶴歸來萬古煙

盧司馬集中有湄隱園記蓋欲以此終老而園實未築也十七年當指司馬離家而言若殉節則去此未久李祖陶識

甘露寺

霸氣聞山外年年草色淒營屯鐵甕北樓櫓海門西水立
江淮樹風深桃李蹊那堪寒食近數問子規啼
游子江城熟良朋載酒過燈荒野艇直沙濶買人多明月
寒高木新田泛小螺自知非傲世鈍拙委荆莎

別葛給事

故人高館靜剪燭夜愁生夕氣寒
領宿山風遠水鳴聞鐘

深草驛倦葉起春城遵路誰能去相思寄楚聲
莫憶山東事空悲濟北寒當時生死別今日醉醒難原隰
蒼苔變地天鳥鼠安燒蔬幸可慰已作十年看

寓感

瀟湖浪迹著逍遙
襖褸榆羹傲管焦
激水激天逢木石
浮家擊鼓稅漁樵
一身蛤寄春山雨
千里人歸明月潮
聞道龍池梅正好
幽棲從此謝鷓鴣

哭李首川廣文

東海聞聲舊西河授學初
諸生齊魯淚四國虎狼餘
草木留巫覡王孫泣
獸魚猶傳元季在流涕
拚遺書

十年交元禮萬里痛君疇豈是逢天醉誰從問鬼謀山城
迷瘦骨風雨號哀叩慙愧南州士生芻溯北流

懷王石卿

江上夷吾在相逢賦采蘩儉深懷古德靜勇表人倫憂世
羞侯籟稱書畏石言艱難瞻楚甸感慨憶焦原遂聞神堯
迹咸識草木恩吾觀天下士俊異獨所尊湓城開日隧秋
浦指天門淮北麋場險甌東獺藪昏思君不易得夜月與
誰論白社鳩衣渚青溪漁抱村甯云出處易慎矣敬風餐
贈余岸少

秋衣捲水蘆風白流虫挂葉山氣夕西山逋客不勝愁露
涇酸壘陶甕碧沙城波小魚雷空江山月靜楓岸紅行人
夜入東湖路石獺聞風動暮鐘此時酒熟桂枝寒桐廬凍
雨冷魚竿龍蛇封泥望帝鬼雲老芙蓉如魴尾

讀吳接侯蓬蒿園詩

賢人不可見歷歷寒山愁野水鄉心在松門夜氣浮王融
悲早逝吳季感初遊江海三年夢龍蛇萬里秋聞聲嗟往
恨淚盡白雲頭

秋水深兮黃鳥飛江芷寒兮明月在衣明月如故兮而我
已非落葉辭人兮何歸勞人不可卽兮樹滌山稀
嗟彼榮木兮觸繁霜烏啼巢冷兮我心傷樗材不足壽兮

仁以為殃汪童不足天兮義以為將信修能之可申兮同
彭殤而齊量瑟瑟號林兮百草不芳憂從中來兮流水茫
茫逢天醉兮沾裳

聞古者之可期安所處而奚疑萬物悠悠其時化抑胡祗
而胡萑吁嗟乎斯人云徂將飾轡以何之庶幾聞風而相
感雖百世而可知

使木石而能言存者曷以柔折者曷以剛使水火而能語
諂者胡為死仁者胡為藏觀天地兮一瞬又安所懷回乎
故鄉

此真離騷天問
之遺李祖陶識

三宿巖呈黃先輩

江上何年宅乘龍未得眠椀檣茅屋外鐘鼓雀巢邊生事
依潮汐心兵畏鼠鳶蕭蕭杖履意抱膝歎虞絃
臣力蠶風折天功鐵雨看側崖蝨氣靜緩步棘心寬草蕘
辭山少江深拔刺難暫時驅鳥路猶有薜蘿寒
登高聊避弋此外復何求世濶勞鶯舌藏身語壑舟桐花
明月落蛸戶夏蟲愁尙憶舊山好迴谿繞荻洲
水石自相耦蛙麋亦有羣幽人無辱夢高樹識歸雲信宿
魚龍夜縱橫沙鶴軍當年靜勇在風雨至今聞

別三宿巖和黃宮詹先輩韻

南北同桃梗乾坤半陸舟相看青草路獨在白雲頭宿莽
寒心壯飛濛雨力留柴桑幸未遠採菊滿蓬陔
積霑不得渡愁望漏舟中焦飯過淮市吹簫向楚宮殘碑
蒼水夜雄火白鼉風此去煙霞裏無心問懶公
滄浪人自遠未許濯楛簪已滌千家樹誰醫六月蠶稻廬
多水鳥澤國事丁男猶有踞觚者秋花動屈潭
今夕復何夕秋江重惘然谷雲來去易讓木東西憐浴雨
三山外分風七里前漢城津送後回首楊猶懸

再和別三宿巖詩

楚水猶秋客浮生寄核舟鬚逢茭角劍火熟炊頭三月

未云久孤帆難再留何時重結佩披棘問蘭陔
已頌蒲花日仍投鐵網中濁泥封蟻路脯醢薦蛟宮樹冷
荒棲月鼉鳴夾岸風無將朝與暮嘻笑任狙公
危柯縈短髮難理舊纓簪何日驅冰石長風縱渴蠶十年
聞趙叔一往媿郇男湘澤椒蕪冷曾分漁父潭
爲螭猶未可學竊且疑然鳥獸空相妬雨雷各見憐枯魴
秋水後獨馱北山前一別烟波渺輕橈樹杪懸

方侍御秋晨理菊圃詩以寄別

苔搖聊自得鳩妬欲如何物化思容理時危廢嘯歌石耕
熊虎在水市鴈鳧多敢畏風波險解衣渡濁河

愛爾東籬好聞風感鹿林拙鯖覘武色逃鶴豢禪心世道
懷梁肉交情歎喜苓可將弧矢意獨向白雲深

洗心詩

天地已如此江流不暫停椒蘭懷曲水沙石見明星雙漿
開蒲路千山饗鮎亭塔鈴初靜處夜氣入荒汀
坐卧荷花裡乾坤一化廬蓼田秋沐後江樹火明初規髮
看河影聞鐘卷道書移情何處著鳥獸已逃虛
老樹頻聽雨青山終不言枯龍還野性明月落秋痕天定
雷歸壑風高水在門此身浮一葉隨意過前村
柔苴生處滑物理更無疑結網清流內開萍白鳥時江聲

聞不盡草力復何知且欲觀元化魚飛滄海移

啼笑春風面浮沈秋水心美人如可見獨寤且閉吟不悟

龍蛇起安知堯舜深懸厓涵萬仞終古此遺音

寒夜三呵後酸風五斗來皇天豈有意野馬不須猜日月

忘豺虎魚蟲溷草萊恒知青犢怨莫向枕流迴

水儉辭深罟印愚灑辱名此中何所有在物已無爭溼露

蕉花淨寒枝鷓氣平虹蜺天外渡雲漢自清明

瀉泉注仄地盈尺足波濤以此憎蛙智誰能伐蔡毛移山

費虎怒緣木習鯁勞不見疏園者平生謝桔槔

蕩滌何年事浣花谿自閒卷簾澆澹竹爭席辟清灣斷岸

蘆葭外跳身蝸蝸間倦雲難出岫動靜了無關
 振冠老檜下掃影銀瓶邊白水憐貧賤蒼虬獨蜿蜒可知
 醉飽夢猶帶荔蘿煙我我周旋久鴻濛破曉天
 勿謂石能轉徒云舌可存天無終日怒潮信昔年村鷓鴣
 擇風雨江沱薦藻繁寥寥千載在倒瀉上崑崙
 癡了無他事神明付藥籠放船定浪底斂魄搗衣中渾沌
 溪間路茫茫旂上風近來聞要妙薰沐且無功

諸詩高妙之極大都可以意會不可以言詮者以此洗心不止伐毛而洗髓矣李祖陶識

廣洗心詩

千尺蜃樓一寸沙更無疑霧可藏家蕩來日月江東淪望

到魚龜北斗斜鸚鵡洲頭黃蘖葉兼葭浪裏白鱖花此間
 不了漱天力枝鼎蒲梢滌蕨芽

梧桐井底謝波瀾六月聞濤夏國寒懶影難消香暈在鴉
 聲漫作酒魂看向人生淬青銅水舉世疑搥白玉盤莫倒
 赤流翻雪柱且驅檀輅寘河干

竹露深深白蚓肥狂泉未許割魚磯漁人半識龜龍誤季
 卜誰知釣獵非一曲星辰吹鈍石滿山凍雨灌柔薇科頭
 危坐真成恨浣火吞刀願不違

鸞刀三尺向誰開却為愚公剪水來隱几圖中雲夢近支
 機石上月潮迴捲將細草湖邊雨灑盡寒山雪後灰可信

輓轡聲不斷隨風深夜護孤臺

亦有猱獮不礙雲強將獨臂馬通薰菖菹斲飽江湖氣叱石終同虎兕羣人問姓名家漸遠山迷面目鳥先聞羊求未掃蓬蒿靜贏得冰蟲傲火耘

浴月漂苕不定風縈雷鞭雨半山中自無蟻罅龜鼉漏莫遣鴟媒巫覡通傲木甯甘流曲影頑鳩未敢祝妖弓磨來鐵鏡今如許回首黃眉一老翁

削苦摩水已無痕鐵血淋漓髮鮮存元蛤早封鼯鼠徑青霜飽嗅菊花根窟巢易爛山川懼堅白何疑木石尊玉女盆中安未得迷人指點望何崙

秋風茅酒薦新濤敢爲銀河惜髓毛任捲清涼歸毒國澆除塊礪付霜螯葫蘆老斷游絲夢玉瓊寒分折骨醪碎却琉璃人自在一泓明月溼清舸

霜臯笛影動寒星自汎螺舟出鴈汀七日曾霑鈴下草半生誤讀火餘經許同肝膽游焦鼎怪有笙鏞侑洞庭飲盡渴泉泉不盡秋來蒹葭發湘靈

山下枯魚羨藻蘋謾從樵父歎沈淪不慙囊盎觀天地自鑑鬢眉問鬼神醉醒何關千日酒清狂依舊百年身滄桑影裡模糊夢三徙無勞笑冶人

陂龍市上卧冰壺顛倒巫咸五臟圖舊日牛羊來古巷幾

家鷄犬習蟲符漸除莧氣依松露漂蕩鯢潮領領珠悟得
眼前山澤意不妨鉞杵問備沾
不是磨礪百不成西江撒手已分明芙蓉共信無工拙
鱖逢人見濁清四壁雲雷蠲瓦礫兼天江漢斂空精荷心
不溼沾泥雨自踏蓮花嶼上行
白波風裏蝨車懸錯認腥風甲子年啖徧鹽梅消野氣爛
吹塵垢謝殘編古今小悟葭灰外人物終慙駟駘前澹澹
乾坤三尺水向誰濯影入冰船

洗心諸詩奇之又奇熊序所云自有識寶氣於連
牛辨練光於曳馬者細按本詩十三首前半痛寫
心事忽合忽離後半暢寫洗字則一齊掀翻忠雅
堂詩所云壯心奇氣等雲烟者是也至其運用典

籍役使心靈詞旨渾成神完氣足無論王李鍾譚
變色卻步即李杜韓蘇陸務觀元遺山輩亦當甘
拜下風矣
李祖陶識

釣魚巷歌

釣魚巷裏釣魚船瓦衣石槽白橋邊漁父之意不在魚掀
髯翹足望青天歛餉市上聞秋杵啄雨溪頭種阪田藻網
蒿柱眾者驚鴈勞鶯驕誰得憐淮西豺鹿遊場圃冥子邱
壑亦胡然寒由刺史水上牀鼉鼓鷗衙散莢錢鳳不憎兮
龍不羞半依萍面半巢烟自云先人之做廬荒蕪門徑三
十年子魚不識守古苔潮聲猶能記舊荃墨吏可爲不可
爲斗米三千怨鮓蜃分身草木逃山稅逋隸江湖立鶻拳

饑來潑墨水天合卧向青溪草太元吁嗟虎蛇滿陸川熊
羆未老北風前鎖雨蒙雲扣鐵艇且乞鳧鷖棹尾眠

黃匪石翁 有子曰止子

海上蠓山夜雨生飽聞百里龍尾聲祝雷施霧晝飛鯨須
與箕斗走欖槍學士先生烈日行麟脯鳳醢南北爭秋風
江雨號沙城鳳凰啼露蛺蝶驚嗟嗟止子一身輕三府書
成向沃鎔一朝明王賜梟羹癡龍撐浪豺虎烹我來江上
心如醒相逢共指兩河清鐵血抱冰語觥觥寒吹天地不
勝情吾聞海翁方調鵠嶼魚不亂石花明今年歸去採秘
英拜翁堂下誦繇庚大印何必慙公卿元祐子弟久知名

風動龍江白鶴鳴月明鹿水赤湖平

七夕余以先忌走荒榛自痛人無知者黃宮詹達夕

不寐有詩見懷追答

東山與西山相望不同堂雖則不同堂共聞明月光南鳥
與北鳥比翼不連翔雖則不連翔各懷江芷芳嗟彼兩河
間悲喜來無方積水傍讒舌志氣迷津梁坐使愛好隔一
日為參商狠心分漢力笏影懼逸魴腴尾傷龍臆明星炤
穢牆河鼓空瀾湧微雲亂女筐仁人汎柏舟忠信為葦航
思來難奮飛天孫同澌茫終年事機杼欲涉惜蕙裳豈不
憂波濤中道聊自傷鳧鷖亦有家木石自成行何況帝子

心形影夜荒荒吁嗟懷母氏哀號起徬徨依稀十九年北
風催嚴霜不忍理瓜餌含酸薦酒漿願乞窮與拙聊分桂
蘭香庶幾告二人夙夜不敢忘淒情望津漢深光動佛床
道人未予知但云秋星長告爾蛛與智無勞絲氣忙且
縈寒石息機樹影涼

官詹黃公道周也先生交最篤者惟此一人其品格性情風節相同而詩亦復相似李祖陶識

渡淮入黃河

驕雲吹浪上魚蓬落日寒牽苦葉中鳥路盡盤青箬水人
家半飽赤鯨風回頭錯認北山北翹足愁看東海東關外
轉輸勞衛尉頻年征戰久無功

八月十五夜莒州道中有作

筮志求吾素容身慕石頑寄車勞爨下問影急流間鳥讓
炊頭路龍疑雨後山主恩慙未報空向穆陵關
南冠明月裡捲揭野雲低喪馬難為福檻猿不敢啼新軍
滄海北舊隱焦原西天步方多難愁人問鵲栖
枯火燃新葉秋星上皂衣相逢黃髮盡獨羨白蒿肥乳虎
猶能怒蜚鴻未肯歸但憐樂歲苦真悔力田非
懷人秋水遠熊豹漫相招幽谷終神聽公田任莠驕南飛
無定樹東徙尚聞梟以此御窮日寒絺助寂寥
獨向焚林後丁甯晦木箴無忘良友意恐負鞠人心蟋蟀

辭雷久駮驪向夜深平生爲忠信不憚澤中吟
繫援初不涉魚雅復何成學道知非晚憂時涉險輕危枝
柔雉步雌肉飽豺聲徒有葦戈在終慙近物名

此詩從洗心後作轉語蓋
猶不欲忘世也李祖陶識

臨淄道中別成侍御

樹下停驂歎別離奔車風裡自支頤生逢堯舜康浪老夢
到申韓涇洑悲不信檀弓長廢後猶聞爾雅誤書時相看
幸有南冠在竹簡無勞譯漢碑

慙慙羔鴈謝桃弓落翻山前路不窮故國笙竽荒草外行
人劍佩澗流中蟬心詰曲延秋日柳氣飄搖勸北風馬上

聞鷄知爾意可將樓櫓向關東

又別成侍御兼呈漳海先輩

幾有餘身在頻煩聖主憐誰知鄒谷黍不飽屈村田激火
勞泉下封茅怪鳥前此生聞蛭後未敢問蒼天
獵心辭妬虎鼓力閉頑鯨憑此歸天地終疑負聖明楯冠
巢閣隱蓮葉踏波行但使君宗在何曾害治平
鷄棲明月夜悲喜一時心脫粟分鄰火號寒報遠砧但聞
狐隼盡已覺雨雷深揮手難言去中原半陸沈
並轡成危語分杯感積歌野謀猶震虢天步尙蹉跎共道
鈎虛拙相逢虎兕多自從聞道久誰捲定山波

豈謂高明懼徒勞，魍魎求馬迷人在野。風落草間，秋寬法
新州飯浮名，雪水舟三年叢棘。夢來去幾時休，
負橐顛車側扶筐，惜短衣艱難。唯信志貧賤，自忘機祗爲
君恩重，何疑吾道非一聲茅店月不逐，雜雲飛。

按漳海先輩卽黃公石齋成侍御疑卽成勇也

九月南塔寺

縛雲歸健橐萬里無盲波，枯塔雙鷗下勞城。獨鴈過子韶
非好異元履未爲苛，疆學危冠在中山醒日多。
病後知天意難云慎，所爲當時和緩誤。終歲艾蕭疑土銜
招蟲隱瓜田報獸祠，况聞堯與舜無復賁窮奇。

結萸安所辟欹帽與誰看，大道疑車少浮沙。卻矢難蒸梨
炊鈍火啄葉定頽瀾，尙憶十年事豈歌湛露寒。
適怨何曾著芳荅，任自然蒿燈流水外松樹仄橋邊。但許
聞鳶悔無爲受虎憐，可知漢禁弛尙在中興年。
幸可傳經日後期，慙次公牀歸蛺蝶夢山飽稻梁風不信。
橘中樂徒言柱下工，無將雞犬意咫尺歎途窮。
義刑從爾恤譽懼，自相尋鼠食多牛。福魚潛悟雀心卷舒
三尺水澹泊獨絃琴已識，遶林遠無煩弋慕深。
漆書幸不墜襪被復奚憂，乞火分僧葉敲鈴護海鷗弱弓
先鳥盡落日近邊愁，但望菊花酒愁聞易水秋。

釋恭吾豈敢擇害已云輕草木空相命夔蛇自不爭折竿
開鳥志冷炙試秋聲珍重周行在逢人辟姓名
憂患全生易端深悟道希時清客逸步月濶聽卑飛木鴈
誠何擇茶薺不肯肥猶傳雙闕下麻葛薦朝暉
何嘗關蟻鬪已自感鷓懷挂壁匏帆穩投林鶴夢乖野流
聞橫船明月暈楓厓豈為清譚誤終年怨澁淮
誰知千日後獨自荷鋤來幾處王孫淚餘生劫海灰鼠牙
終不冷天械漫能開可惜賢臣檄何時到楚臺
徘徊豺祭罷窮柳戀衡門衾枕行藏理風霜歲月恩花遲
逃雨罅海大漏鯁魂天路方空濶鄉心滿故園

和范大司馬

考證明史列傳范景文字夢章吳橋人
萬曆四十一年進士崇禎初官南京兵
部尚書時闖賊蹂躪豫楚將順流南下景文縹緲
戰守定營制治樓船練火器賊以是不敢渡十一
年冬揚嗣昌奪情輔政廷臣力爭多被譴景文倡
同列合詞論救帝怒削籍為民十五年秋用薦召
拜刑部尚書改工部十七年二月命以本官兼東
閣大學士都城陷赴雙塔寺旁古井死

渴日追雲黃葉催吹將元水上蒲臺無人鷺草懷湘沉是
處秋山飽栗梅七月風霆諸海沸九關熊豹一時開分明
躡足桃蟲後却望冰車鑄鐵來
章天閣下笑如雷珍重蒼生護釣臺何事蛇神驕黑霧但
聞弓影落青梅世間管樂終難老江上驪龍不易開放眼
乾坤誰擊掌親從禹鼎問津來

次姜大行兼懷漳海先輩

考證明史姜垓字如須萊陽人與兄垓齊名中崇禎

庚辰進士授行人北都陷避地吳中久之憂死

石屋丹厓亦可傳負芥人在謝枯筭竹書不斷三生鐸祀窟難分獨足屢泛泛蠓梁秋水路栖栖車馬菊花煙誰知學士春風夢不到衡陽落鴈前

久樹忘憂護竹堂且從巢閣覽徜徉寒吹怪鳥辭蛟力江冷勞魚帶棘香灑叟不須疑退谷雲卿何事滯他鄉祇今崇政階前草猶記當年擊壤場

再次前韻

鹿隱巖邊鳥譯傳一時詹季閉窮尊醉從酒窟逃酷稅閒

乞蟬衣隸石屢處士自開三徑夢槃蠻休餉五溪烟此身去住尋常事却在黃虞未老前

撥刺蒲雲啞策堂竹坡此日獨徜徉一聲鴈背秋星蕩半榻魚跌佛火香河北新巢椰子國山南久化貉人鄉猶餘西壠橋頭樹明月深深繞豕場

良鄉道中期吳志衍後至自歎

考證吳梅村志衍傳吳志衍諱繼善太倉

人丁丑進士時里中兒刊章告密婁東張溥為所構勢張甚志衍鏡身為營救卒以免知成都瀾達有謀見賊據秦踪楚即日啟蜀王請發帑金為備禦計王卻不應已而獻忠傳城下王始出金購戰守者莫應賊攻城陷王遇害繼善闔門死者三十六人

不負終朝約猶煩六月詹帝城烏語變野戶蠟衣黏盡日

楊忠愍公遺集卷四
憂瓶緯誰家薦釜鬻蕭蕭客子夢枯笠試新鎌
晨星聞馬跡草外聽秋謠風餞兼山路人瞻萬里橋行藏
聊共慰蕭艾未云遙敢爲林泉好頻勞鳳鳥招

青州雨坐示何湛源李道廉

翻車經虎谷愚犢誤秋田白髮干戈後黃花雉兔邊勞薪
費火力弱肉斂霜拳今日聞堯樹分明倚杖前
細汲青州酒頻開北海圖王風歸廣儉儒效薄征輪同甫
書猶在原明道不孤十年風雨意歸去復踟躕

莒州道中

經陽何處笑蜚驢雌樹連栖一葉廬北岸沙蟲安楚火西

風湘澤薦秋魚馬鬣山下還魂石車蓋亭前磔鼠書自信
主恩深歲月十年依舊老經鋤

廓落詩車中追和黃葉二先輩

廓落終年氣未馴尋常道命不關人樽前一室猶風雨海
外諸山自漢秦恥向隣家分鹿夢偶過沸鼎惜魚身天倪
舟裡微雲枕慙媿同經妬婦津

百丈天關手自摩依然賢泥且如何驅車虎穴雙趺隱過
眼鴻毛一葉多已許河巫投醉飽却憐僂子弄干戈臨風
抱膝松林下鐵靄摧山不礙蓑

蝨隱鷓鳴又一時迷陽咫尺幾人知秋風鳴鳥藏高樹明

月寒花戀舊池豈效滑稽生馬角悔將渾沌學蛾眉軒黃
未遠昌言易不用人歌慶曆詩

疲駒渴甕怨陰晴芥葉蓼蟲左右迎勞水逢人傷筍影泄
雲催鳥聽春聲一肱徧試山前藥五斗何關身後名可識
西陵卷耳路孤臣回首倍分明

東門瓜老未曾歸木石聞風半是非敢謂介山餘草盡偶
然堯水飯牛肥鮑焦去後清流在李郭同時野鵬稀明月
一瓢蘆葉穩不妨新浴振荷衣

曾向陽巔笑苦苓疑雲幻樹到於今生涯可信屠庖好夜
氣空憐榆棗深舉世厭聞蝌蚪事傍人猶唱蟪蛄吟辛勤

機杼寒絺健十月無忘采葛心

幾處枯藤戀野鸞低枝不挂鹿皮冠楚狂已悔移家晚茅
默甯云處世難自幸三年逃鵠國欲將七尺老漁竿雪花
不斷青梅限肯爲王孫惜羽翰

酸桃津口伴鷗眠墮甌帆前小有天爭席漫勞海鳥問碎
琴何必市人憐無窮歲月憑雙屐末老詩書付一卷爲憶
橘洲洲上月舊曾分影玉皇前

一枕鴻濛過北溟獨將鱗鬣重丁甯難從腐卉吹寒燼不
爲餘羹寫食經山鬼看人水火夢秋風自註烏魚形寄聲
都尉休搖手夜半驅車宿客亭

澹蕩青霜護笨車但聞鐘鼓駭鷓鴣次公方在窮經後敬
叔真慙捫舌餘且踏冰城尋魯鼎莫教鐵瑟誤周書白波
未滅黃流怒愁見中原化蠋魚

沈心後得廓落之境李祖陶識

別吳志衍前註見

終南疑網盡抱犢且盤桓露厭芙蓉老山憐鷓鴣鳴寒物情
思管晏國瀉恕共驩百爾和平在何憂蹈海難
幸是同車日無勞效突黔鈍燈追往事傲葉御窮心學道
屠龍少投厓噬虎深可將巢燧意吹向北山陰
聞茶聊自卜中道復遲遲風雨懷人後衾裯獨抱時拔劍

終惜樹斷尾不成犧此意慙鷄黍唯餘牧子知
尋常折芰隱感爾獨躊躇忠信懷鄉國艱難問僕夫食肝
甯馬酒種草或龍芻今日山前路無言怨採蕪

荅贈程穆倩

秋來索米媿迎逢失路迷鴉笑楚風自在簞飄烟水外卷
懷天地轆轤中不將樵徑勞疑鹿獨摘寒花餞隱蟲愛爾
登高能作賦空江倦葉滯歸鴻

瓜步大觀樓同諸子望金山寺

不向危帆望誰知江意平驕魚安石氣閒樹出鷗城聞道
思焦隱臨流媿魯生相逢歌瓠葉到處識商聲

澹蕩龜梁遠栖遲尚此邦楚州橋影靜海國蜃心降忠信
聞魚鼈牢愁動曉龍寒松猶戀客吹夢涉胥江

夏日同諸子讀書城南講院時聞有環命十首

已從南郭隱未許北山移問學魚蟲在行藏草木知古人
如可作國瘼欲何為寂坐無言處深林鳥倦時
閉戶誠容易將車亦渺茫羲農歸渾沌懷葛厭庚桑採藥
山城近聞鳩夏日長前良幸不泯已在鄭公鄉
未嘗疑瓠葉聊復枕雕戈世事輕熊虎交情戀荔蘿頽山
聞道易老樹識風多終日菰蘆裏時時仲蔚過
艾簪猶自惜蘭路不須鋤可信畫前易空傳圯上書弱苗

狂雨後妬鳥落花初天問徒多事能無駭獵漁
不敢忘鳧鴈徘徊已十年一身屠釣外四壁雨雷前風雅
推賢輩清狂媿老顛此生除盡福抱膝白雲邊
咄咄何為者春衣苔氣深荒茫青草路澹靜白蘋心愛讀
潛夫論兼聞梁父吟池塘蛙語緩流水有遺音

此詩意不作殷浩而以
諸葛公自居李祖陶識

此子宜邱壑何人薦稗穉非關明主棄獨學啞兒啼江燕
危巢下桑陰夕影西道心憐雀躁曲枕自幽棲
賴此成昏旦依然舊羽鱗竹分隣火力駕化老藤身危論
還蒼莽明時任隱淪殷勤諸長宿江上一農臣

負囊誠多拙買山毋乃勞六經題岸谷一室足蓬蒿德業
有吾黨功名讓世曹不將饑渴意躑躅等鴻毛
聞道凶 盡窮嶠北海東伯勞思遠水菖歎散柔風王業
終常武書生已論功莫云仁義濶今古轆轤中

按此詩前六首有公手翰在贛人羅氏處
王太守藩泐石並繫以跋楊世儀識

入閣皂訪黃五匡明十首

石上安巢竹跡分午鐘山外隔溪聞丈人自愛前峯好手
翦松枝弄白雲
小池田葉覆魚衙撇尾蘋梢日未斜市上衣冠渾不識獨
依鳧鴈老蘆花

仙人拄杖落點竿屋裏青山夏日寒可是洞中流水處回
頭猶作老楓看

誰從巢父乞茅衣舊日漁磯半已非欲問山書二百字靡
蕪深處一樵歸

數畝青蛙繞橘田道人自坐匏瓜船年年澗底聞香雪肯
向蒲陰怨杜鵑

漫煮青泥虎即臣莫教白粲鳥依人世間不解黃鸝路錯
怪當年茅苜身

半榻雲眠共竹棲不分雷笑與兒啼瓦盆一夜翻牆角明
日瀉花滿綠谿

塞頭春酒飽
菖菹雨夜焚
香理逸書倦
罷卷衣欵曲枕欲
將天地等蘧廬

故山烟雨不須疑
百尺丹崖宿鳥知
何事重尋藏壑法
龍蛇聲影最高枝

牛背安禪白水灣
滿村松火夜漁閒
主人嘯答渾無意
猶伴山農逐鹿還

秦明府再任蓬萊見憶

滄海橫流日揮絃
倚柱來鯨羹辭沫
雨鴈鼓落雌雷已識
文疆貴甯稱廣漢
才殷勤去後意明月
向君開微帽胡不可
西面築雄關萬里樓
船濶一庭風雨閒
吹蘆

聽夜渡洗甲望前山
自識君恩重蕭蕭虎豹間

諷議欲奚爲所憂在四
誰知采葛婦獨御履霜時
賜復

今年詔登封舊代碑
儉深何以慰載誦二東詩

亦有撼山力迴戈
向北流詩書終不易
芻牧復何求漢樹

魚城路江石馬秋
何當時見憶獨上望仙樓

秋仲同諸子習射城南

秋水蘆花滿
蓼城鐵雨來
永懷思古道
隨意戀蒼苔
獵火東江樹
雄風北面臺
何當通覽意
未可盡卿才

猶有號巢在
聞鷄不復疑
小山花落處
幽谷鳥鳴時
偶習

曾孫禮聞歌季女
詩虎心安磬石應許野人知

雌霓不敢指渴日欲何求委運從吾好憂時寄物愁桑蒿
秋夢穩虎豕壯心流慙媿百夫長空言傲十州
終年兼吏隱日與友朋親荒草鴟鴞路寒江椒萑身可憐
三戶盡誰念五湖貧欲向南翔翼徘徊問鴈臣

壬午秋江別黃宮詹先輩有明年海上之約既亂離
弗果歲云晏矣感此懷訊

江城逢落葉明月誤歸潮不信豺狼健徒聞
驕一身
餘草木獨往寄魚樵可有蠶人

海鳥迷山路奔車謝倦裳時危才易拙身細道何傷髡樹
蟲鳴急寒魚秋夢長匏笙幸尙在未許漆園狂

自移灑水隱猶抱伯山書天地干戈後人家風雨初竹貧

山漸老地僻客應疎無復南飛鴈重迴北去車

遞翁違世後孤嶼卧雲深秋火號江虎烽烟起夜碓難忘

三宿約空負隔年心念亂何時已猶思大澤吟

雨坐生米渡口簡歐陽憲萬兼懷彭達生

名斌元新建人幼奇慧讀書目十行下終身不忘
為諸生受知蔡懋德侯峒曾兩學使以國士禮之
達生即土
望南昌人

愛爾松門隱逢人歎好音十年聞磬側五畝息桑陰藜藿

寒江夢干戈秋草心問津漁父在門外白雲深

亂離已若此徐郭欲何如獨木臨風 危山護女蘿功名

驚歲晚憂患識生多今夜磯邊雨愁聞五噫歌
潭釣經時閉荒堦抱膝眠懷人雞黍外聞道杵臼前癡鼎
餘垂髮勞薪誤竭泉不堪逢歲晏再上荻花船
天意飄搖久江神放浪賒菰蒲陰雨市鴻鴈短蘆家秋寺
寒禁火空村晝集鷓此生長作客逋影徧天涯

除日書懷

滄江清夢到蘆花一葉東來傍犢車今日風塵耕戰地幾
人譚笑釣屠家西山不盡松壇雪北闕空懷古寺鴉詔許
郎官身未老藤芒處處足生涯

東鄰烟火試春衣三日春風草尙稀寒筵參差梅共隱故

園搖落燕將歸阿咸有夢椒花在杜老無家蕨飯肥翦絲
漫傳思舊事十年宮樹逐霜飛

兼山叢桂復何求門外烏啼水自流泛宅湖邊思賀監寄
春車下識田疇辟人半楊東陵樹燃竹一聲芳杜洲今夜
莫辭澆栢酒明朝愁向仲宣樓

衡鴻漢水任流連河上旌旗倍可憐作客况從黃蠟後拜
官已在白鷗前烽烟去住經三月雲物依稀又一年小阮
近來居北里不堪搔首問蒼天

阪田猶在不憂貧洞口深深暮子真諸將傳聞收故地他
鄉依舊送歸人盤絲珍重寒江暮桃火分明異國春聖主

怡逢多難日微生猶望太平身

除夕喻宣仲詒詩賦答

獨車河上老風塵放浪東湖秋復春偶爾借棲高士榻何
當避地草元人一樽荒雨蒹葭路兩岸浮雲楊柳津今日
子才心獨健可容憔悴隱江濱
灞橋詩思滿東隣市上何妨尚隱淪名在半千知未晚年
過七十老能貧青山不斷梅花白髮猶分杜若身此夜
椒盤容易醉一庭霜鴈數聲春

游白狐嶺

天高日暮樹煙深啼鳥懸花自古今身外雲歸雙著屐山

中人嘯一絃琴寒江不倦龍蛇氣明月時聞草木心坐久

忘言採藥去與君跡隱徧松陰

游雲絲石挂藤梢楊子何須解客嘲半閣竹聲深磬戶一
牀燈火近鳩巢誰將啞鴈酬黃葉別有春風薦白茅賴得
惠公移榻在漫將谷口笑堅匏

香城雪坐

考證香城為西山最佳處古蹟亦甚多

丹壑何年闕石關依然猿鶴老人間浮雲不了藤蘿靜野
客無心虎豹閒今日尋花聞舊約幾時流水信春還卧游
未忍空歸去明月在天雪在山

芒鞋竹笠識蒼苔珍重支公面壁來龍臆

一作荒茫逢草

怒梅花隱約待君開生依薇蕨山無夢老歷風霜鴈有才
可信愚泉終似我不須寒雨自徘徊

十年江上半漁臣為爾流連慙卜鄰已向洪厓封禹穴空
勞洞口問秦人冰城久信窮魚隱風影何關竹葉身煨栗

無言緣底事莫將熊虎歎沈淪
山外人家竹滿陂尋常鬪石鳥何知關河極目黃虞後風

雨傷心江漢時火冷中田春寂寂霧迷枯井草離離誰移
處士當年宅乞作樵林第一枝

僊翁去後事多違鷄犬勞鳴不敢飛偶爾住山成信信但
聞招隱任非非野樵見客驚相問香樹逃名未肯歸怪得

蓬蒿容易老樂天長往應來稀

豈為安瀾謝急流縣宵笑語此淹留兵戈未已難聽雨心
事何堪獨倚樓蝴蝶夢前青草閣鳳凰聲外白蘋洲憂時

自惜多狂隱猶對幽蘭誦莫愁
別范小范兼簡王乾維

客舍梅花後聞星鴈澤邊一樽深楚雨千里望春田恭鳥
炙竿下勞雲櫟社前知君方理楫翹足黍華天

名下多賢佐胡為復野行才聞江左舊家向北山耕雄葉
迴吳水寒沙起漢城猶餘壯士意時逃草心生

和戴初士韻別王乾維

終年市隱少人知，坐領春風花約遲。
帝子閣前難獨醉，仲宣樓上不勝悲。
江淮到處將三月，歐范同心又一時。
他日憑君書楚問，滿山歌舞白沙移。
健雨癡龍不自知，橐鞭江上且棲遲。
書生結襪元非傲，楚客聞歌亦可悲。
楊柳一聲明月夜，海門千里落潮時。
猶傳豐碣多遺逸，桑下停車日未移。

雲濤宗族庭前牡丹盛，開借諸子飲花下。
分得七虞半畝荒池老，綠蕪展張嘉樹在東湖。
寒燈夜雨王孫意，醉眼春風慶曆圖。
白玉盤中翻露甲，青山屏外坐蜂鬚。
明朝重向花間約，一曲正元酒百壺。

傲葉閒雲幸不殊，滿園烟水自踟躕。
遙遙芳草南州社，歷歷風流西雒圖。
黃鳥丁甯留翡翠，游絲約畧薦醍醐。
託根已許稱同隱，虛白堂前第幾株。

明日再集花下分十灰十四寒

勝日重過處，高雲上草臺。
時當明月夜，聲落小山杯。
澹蕩春煙起，低徊蝶夢來。
寒枝如戀客，醉向北風開。
愛爾矜情立，懷春惜夜闌。
香泥蟲力靜，雨墜草心安。
物色從孤尚，榮名詎一端。
因之謝松柏，野氣到江寒。
春情不易得天意，亦憐才葉底。
青城路，風前白社杯，良朋兼去住。
老樹獨徘徊，嘿嘿無人後，聞歌始一迴。

曉日籠初浴，啣霞上綠竿。自從小玉倦，獨向仲侏看。人比花三耦，香餘露一團。何當延永夕，樂子且忘餐。

七日分庚青二韻送牡丹絕句

翦水吹苔月下行，迴風一笑百愁生。桃花流絮不相識，牆外時聞踏月聲。

滿院芙蓉護小鈴，何須重唱遠公亭。燃枝背燭逢鶯語，半卷西州不可聽。

五言絕句用前韻

月熱花難老，啼鶻不敢鳴。幽人弄白石，天地若為情。溼火封脂額，定衣黏宿萍。相看意不盡，終日倚流屏。

牡丹曲

天上星辰聞花醒，一痕紅玉啼初暝。頽雲雌雨光難定，欲出不出開春性。黃粉房中私路清，東風擷月葉上聽。渴石扶枝分蛙潤，吾聞丈人山下徑。四十二里圍芳信，吳塘之草安足媵。梁苑淮宮等浮鏡，主人自昔二仲競。不道百鸞題月印。

友人約看花滯江洲未歸

石上蘭舟葉上風，敲鐺分火白波中。殘枝徙倚如相待，到處留人笑鶴翁。

琵琶江畔冷春山，亂捲游龍帶月還。惆悵畫堂紅玉睡，心

隨流水醉花間

鐘山樹影近湓城客路吹青一夜生今日彭郎磯上過滿湖風雨送春聲

東林過西林三絕句

勞花偃石餞前溪雨後龍腥不敢啼白露逢雲選烟夢青松聽水過橋西
十年寒衲近魚苔却爲遠公一笑來溼葉從容辭竹路春衣潦倒落風媒
狂山猿水兩相宜澀霧矜寒下塔遲短草池邊蛙夢穩悔看陶令出山時

明日再成二絕句

蒲梢深處柳絲長荳葉青時麥氣黃草上露心吹不盡滿山喚起鶻巢香
飯牛岡下笑勞車倦鳥溪頭問落花何事法堂敲竹罷不將寒影逐風斜

恭輓大行烈皇帝六首

昌平城外騎初迴一夕烽烟向北來帝子春辭三極殿君王夜薦百花臺天家日月黃雲怒塞上龍蛇白日哀嚙齒西風狼虎谷雄心時向斗杓開
尙憶文華賜對時親聞天語下彤墀王風敬儉書無逸祖

德艱難誦有夷西液水聞三月曲北山春冷萬年枝可憐
海上傳南狩猶向延秋望六師

羽林諸將擁宮貂鐵血雌雷恨不消地上荒唐黃竹路人
間恍惚白雲謠異時堯舜言猶在今日共和事已遙諸葛
不生林甫死慚聞關外數嫖姚

火炤西城鼓氣暗虞妃同去竹痕深一身風雨鴟鴞怨萬
國謳歌行葦心靈武詔來春已老薊門書杳夢難尋傷心
端敬宮前草夜夜啼烏探北音

天市南傾向太微壺關父老願終違百年鐘簾同生死一
代君臣半是非秦火難飛閭闔雨漢雲猶泣尙官衣微臣

不及西林樹歲歲心隨杜宇歸

萬歲山前號北風鶯啼鶴淚冷蘭叢瑤華寂寂坤成節御
柳淒淒慈慶宮女史吞聲藏舊翟僕臣掃土抱遺弓興龍
何在春魂遠南國誰人賦小戎

先生詩辭多掩意讀此
可見一斑李祖陶識

山中聞鳴鳥淒然噫之

燕山芳草歇題鳩恐先鳴白髮榛苔夢青楓鴨鵝聲高官
酬社稷竊語向公卿猶有懷音者逢人問鑄京
大業方興漢何人敢帝秦可憐物化後空憶鳥鳴身風雨
諸陵夜干戈三月春年年海上望啼血向天津

帝京何日復諸將近承恩淮水通江沙吳舡望海門當時
餘社老終夜泣王孫不道三關遠頻年號北魂
自有原芝頌難聽薤露歌土行聊復爾安石近如何薊北
秋霜早江南夏稅多可將擊楫意容易付滄波
王室猶多難書生且論功不慙推管樂何以謝罷熊漢法
存三輔周官守四同中興公等在灑淚向山東
昊天終不弔滄海未迴瀾塞外傳都護河邊見契丹蒲萄
吹馬酒苜蓿薦狼竿中國今如此愁聽易水寒

六詩刻露不同
浮響李祖陶識

貴溪道中作

秋城臨野渡落葉自紛紜高樹明星下空江細雨聞烏棲
聲不定灘急路難分泣對南來鴈愁看直北雲
汎舟難永寐飄泊任中流南國歌龍馬西山戀栢秋憂來
誰與語行邁欲何求且向朔風裡酸心問故侯
痛哭誰爲者吾生尙有初柔花歸冷月濁石響秋魚今日
新亭淚他年北史書諸君慎戮力無復歎塵車
漢治無中策猶思至德年洪荒新日月寤寐舊山川露咽
谿邊草鷓啼飯後烟可從漁父去洗犢向堯天
豈有鱸鷺路皇皇何所之歌舂吳市隱依樹漢城悲山雀
號脂粟寒蟬抱曲枝不堪逢野老垂涕太平時

弋陽城樓示黃崑來

憶昔同游處相逢共白頭
莎城鴻雁夜蓼水草蟲
秋只此成盤谷何當汎
栢舟殷勤下山去流滄
話神州黃雲不可見渺
渺痛予懷千日天難醉
十年夢已乖秋風粘酒
露寒葉冷蒲階猶有同
聲賦因君遡北淮

游鵝湖山下謁四先生祠
胡子徒步追余及此坐
楹

間懷歎久之

前賢不可作至道已難
聞寒鷓通危露秋山老
定雲衣冠天地在昏且
古今分寂寂忘言久林
聲不亂羣杖步開蒿隧
追隨過草堂良朋思敬
直周道尚荒茫壁冷

蟪蛄潤谿涼灌木長柴車吾已息無復問褰裳

昔者同歸處猶傳伐木詩昆蟲逢晚悟日月豈相疑石倦

泉如故松欹鳥不迷依依瓠豆意何以慰吾思

空谷牛羊 頽櫺魍魎來秋風吹不息蕪徑埽能開禮樂

關衾枕乾坤出草萊吾徒幸自勗寒樹此徘徊

鵝雲終古路澹靜落驕田東海流風遠南巖舊學傳六經

虞夏後萬物鼠 前識得山間徑鴻濛不斷烟

歸自信州諸子追別河口因過費氏園亭畱一夕乃

別

良雨蠲山志荒炊續古烟憂心江漢外分手夕陽邊明月

逶迤路淒風板蕩天吾曹頻北望何處是幽燕
高館安魚鳥輕棹習蓼蘼昔人重出處驚隱此棲遲蕭瑟
三朝淚荒塘六月詩相逢鷄黍意長憶盛年時
世路歸戎馬幽栖信此都偶然木擇鳥一任犢生駒水落
秋春壯江寒桂影孤艱難吾道是安用歎窮塗
茲遊難獨寫深夜復登樓與子同榜梗懷人上瓠丹青楓
沙岸老朱果石門秋他日南山下誅茅笑隱侯
鰭帆聊汎汎枯夢謝鯁粘露下芰荷宿風號颺颺兼無勞
詹尹卜自許老夫潛不識垂竿者何人漑釜鶯

八月十五夜泊舟瑞洪徹宵不寐明月在天寒光難

定心旌渺渺如不可懷作五首

水國多寒草愁人易寂寥不知今夜月猶似昔年潮桂老
青蟲苦蘆深白鳥驕何當江外望橫笛渡中宵
枕流通夕響高露遇風砧一榻還家夢頻年出塞心溼光
生野火危影動秋林莫炤庾樓上空聞隴水吟
野寺逢迎少荒村節序閒孤舟鴻鴈外一水楚吳間愛月
頻移枕看雲欲近山霓裳天上曲一去幾能還
涼風自北至吹我百端生皎月迴牆影寒烏怒葦聲湖平
秋易白露冷樹多驚恒恐故園夜空堦不忍明
倦舟憐永夕坐起望高星南北雙栖樹乾坤一宿萍秋鐘

深遠棹素髮落寒汀河漢猶未沒鳴蜩不可聽

龍沙留別時余與劉晉卿周浩若連舟西歸

有序

八月二十三日徐子巨源同朱蔚園陳士業熊子
文朱天中別余龍沙時戴初士在焉先一日徐子
簡來云感時傷國惜別悲秋言之淚下

尋常賓鳥路此別倍淒然木葉蒲帆外江魚蒹葭邊同時
傷國淚幾處泣秋煙携手空山暮愁看萬里天
高皇百戰日風雨此登臺沙草聞鳴鳥秋亭續古苔心當
禾黍盡人向鴈鳧開今日西巡跡悠悠安在哉
誰云一葦遠已恨四愁深可惜狩綸日難分鱸鯉心大官

馴鷺鳥恠筮祝枯林別後蘆花岸勞人獨楚吟

與劉修撰周工部期鹿江後期失赴

晨風不可待一夜蘖心生野桂吹遙浪秋船望獨城逢龍
猶俊物夷惠未逃名漸近聞鄉路屏山問耦耕
津吏方持檝歌舫且渡關亂離聞道易忠信覺身閒宿草
孤雲下分帆二水間招招我友去吐夢幾時還
行野心如擣江停不忍流乾坤黃葉影家國白苧舟故故
西清淚蕭蕭北里秋但言舊僕御終日對連鷗
之子同歸日差池失後期前谿何處泊今夕有餘悲報主
蘋蘩少懷人橘柚遲徘徊蛇水畔珍重鵲鴿時

酬趙司理韻

東軒西閣久荒涼，忽枉魚書到草堂。
亂後故人零落盡，燈前短髮寤歌狂。
才聞魯國家三筴，露滿龍池水一方。
公事了時籬菊在，不堪流淚向瀟湘。

舊日衡門蕨正肥，無心魴鯉罷霜磯。
秋山百里聞雷晚，明月孤亭落葉稀。
車下逢人商稼穡，江邊聽鴈問裳衣。
可憐深院藤花老，猶憶宮寮散馬蹄。

舟訪蕭澹菊

寒水吹烟徧蓼菰，秋帆落日剡溪圖。
半山楓葉勞舟壑，兩岸霜林老石湖。
世外論交唯澹泊，燈前話舊重躊躇。
江邊

黑夜多豺虎，明月村醪未肯酤。

愛爾南窗盡日關，短衣吹浪涉江還。
吾生已約蒹葭後，世事愁看枳棘間。
黃犢夜歸秋草短，青谿露冷晚漁閒。
夷吾剩有匡時策，抱膝沙頭望北山。

熊方岳夜集簡贈

去年辟亂不相保，今夕啣杯倍愴然。
十月人家霜雉外，一樽知己石魚前。
中宵慷慨思陶侃，舊恨淒涼愧鄭畋。
且莫重題慶曆事，干戈江上荻風天。

一牀薤簟晚愁生，黃葉難聽鶉鳴鳴。
明月孤舟逢菊酒，隔江野火近秋城。
此身多病兼憂懼，何處深山說太平。
元鳥

歸時人未息村村烏雀厭聞兵
門外江聲薦桔槔早年身退足蓬蒿
卽看青草芳洲滿不盡黃雲塞鴈高
憂國未堪辭曲杖傷心依舊老溪毛
尋常閒夜難言醉放浪乾坤一小舸

十月鹿江夜過二兄宅

八月寒風下九灣江邊鳧葉踏波還
三洲橘冷孤燈外一閣秋深萬壑間
今日蹉跎同桂蠹傍人指點問船山
書生自古知兵少空對潛夫髣已斑
鳳凰山外鳳凰臺兩地霜潮盡日回
報國一身棠隸夢辭家千里菊花杯
秋關斷鴈無消息閒鳥看雲自去來
便欲

與君隨逝水愁心日向海門開

城北聞鴈

霜鐘吹葦過蕭灘臨江舊爲蕭灘驛却領蛩聲上鵝冠
千里烽烟惹楚澤三洲蘆夢寄湘竿
遠山樵火連城盡獨樹栖烏帶月寒
糠市愁臺人寂寂不堪搖落醉中看
露下天高百草衰戍樓巖柝四雲垂
寒風古堞流離後秋水新田剝啄時
葉冷黃昏號定鳥江深白社老枯蘆
年年虎兕經過處中澤荒涼鶴未知

舟集

輕橈載酒晚晴天隨意停舟楊柳邊
落日行人江上樹平

沙斷鴈舍南田麥花已老難逢雨石岸經時不記年何必
深山深處隱一簾秋水枕書眠

扣舷處處有滄浪健步漫漫白日長枯草橋邊蟲弔夜勞
魚背上葉啣霜三竿寒影悲遲暮一路啼鴉下夕陽自笑
吾家多樂事老兵識字亦何傷

荅寄周侍御兼懷侯少卿張明府吳詹事

十行風雨問西藩攬轡橫流涕尙存未見魯戈迴北塞况
聞楚火炤東門烟波何處秋深夜古道無人月滿村此後
相思蘆岸濶不堪吹篴向中原

辟客何曾割石磯十年兄弟又分飛憂時已向三山近奉

使初從八月歸豹北狐南成底恨冬裘夏葛忍相非漢庭
賴汝宣光在且拂江頭勃落衣

倚柱看雲未信癡移山填海不須疑百年 將衰日一

戰昆陽再造時醉後鬚眉難瑟縮閒來鸛鶴笑支離與君
同下新亭淚慷慨還歌六月詩

枯洲半夜鴈橫過荏葦帆中且放歌幾卷南華聊自在一
聲漁父奈愁何花間捕蝶狸奴健河上逃魚扶老多寄語
吳門知已在懷人處處有楓蘿

十一月四日口占

自笑癡頑老趙岐如今真悔築耕遲尋常經術歸農圃九

十秋光付鹿麋小鳥辟鷹投密樹疎桐讓月過斜枝此中
自有浯亭在何事桃津未可期

草深桑落未爲貧枕上青山夢後津南北艱難三折坂乾
坤老大一羈人漫將枯肋留餘瀝可許安車薦軟塵今日
知非真已晚東臯慙負健閒身

我生猶及太平年滿屋谿山卧雉田井稅早歸霜後路荒
村夜聽下瀧船那堪身世荆榛外已見君臣狼虎邊回首
神皇在御日依稀人老燧巢前

江邊野鶴許乘軒澤畔長鳴亦主恩許國有心輕怒臂伐
檀終夜謝壺殮風波不到黃姑渡魚夢初還白鹿原况復

清班頰再命媿將鶴料守衡門

又用香山韻

散髮狂吟兩鬢髭秋燈凍草尙能堪壯心未已思河北舊
隱何須問峴南蟋蟀堂前人易醉鴟鴞雨後老猶諳只今
無事嗟鳴櫺五十年中尙有三

過鄒七清臣南園

清臣卽鄒瑄

熱鳥不相識閒雲自往還攸然洗萬物是處得深山怨草
驅雄火枯風老凍鑲平生清壯在一笑鹿牀間
遶林不自倦雨雪有逢迎水木蕩何極霜亭淒以清隱蟲
辭竹路醉葉宿鳩城持此歲寒意遙遙百感生

亂壑生疑岸幽人時一吟青山餘
高館出疎林道樹終難老魚心不厭深醉翁或在酒此理足荒尋
殘雪兵戈裏陶樽此夜同梅開驚歲晚俗儉望年豐天地豈私我功名信祝翁人家煙火溼
野半山風

梅崖看雪

崖在今臨江府學署中

草城波路潤荒茫歷眾妙鬱鬱此亭烟高鳥時一嘯樓前雪滿山江樹號萬竅賢愚各有得肥棘難共炤我非義農人聞聲不同調風雲自徘徊山川空相笑白苔勞古塗青林迷曲釣陰蟲避松栢饑石流竹篠城南僵卧者踏泥臨遠眺遙岸深視聽鴻濛一霜蔦他日梅花下寒心開海嶠年來芳草路一時流水聽春迴

唐廣文招飲梅崖觀梅

南樓夜夜梅花曲吹盡燈前竹葉杯今日春風能幾醉滿山寒雨莫相催即知自在江邊老無奈愁逢亂後開五十年來芳草路一時流水聽春迴

別蔣元扈

壯雲勞遠水一夕到清谿痛哭思河北悲歌向海西微官安素進瘦鶴任卑棲不道愁難割醉似泥
自向鍛邊語何妨竹下畱故人餘脫黍薄宦信輕鷗道岸青山面春心白鷺洲夕陽臨草渡望爾思悠悠

蕭七丈澹菊招天甯禪院看雪霽

春城雪後尚沈沈凍壓金罍思不禁殿閣夜虛鴉夢溼畫
屏花冷燭光深歸雲樹樹兼山暮明月年年萬里心傳語
風前簫管罷一聲長嘯破苔陰

黃石丈元宵前一日小飲

考證鄒瑄義勇列傳黃介
字石丈清江舉人少負才
名慷慨有大節崇禎癸未流寇闖人袁吉團鄉勇
為固圍計文正舉義度南仗劍從之授職方主事
別領枝軍出豐
樂間不克死之

離邊殘雪已兼旬剪燭燒蔬餉野人簾外水田流北郭春
前燈火近東鄰一牆風雨梅花健幾處干戈醉眼頻此夜
與君話疇昔不妨同是五湖身

蔣元扈之留都

閉戶今如此聞雷自在眠偶然題仲蔚聊爾笑公顛風雨

春城路兵戈野水邊十年兄弟盡零落憶庾賢

散曹何不可世事豈堪倫佞鳥逢深樹寒江老束薪依然

成執法何必問迷津鄉國經年淚為君一灑巾

包長明過小圃賦別

考證廣東通志包爾庚號長明
上海人崇禎丁丑進士知羅定
州戴星視事五載不倦行取入都遭祖母喪不赴
國初隱居青溪之曲自號宜壑居士
詔舉山林
隱逸事強之
起以母老力辭

種竹分畦未了癡從君依舊問浮巖半亭野餉歸三韭二
月春聲過一鴟鳥語流連楊柳外人家惆悵杜鵑時安卿
方奏明光草何日同參玉版師

掛匏簾下罷逢迎又向春前送客行元叔不須窮鳥賦仲
儒猶愛落花聲西山木石逢風雨南澗烟霞老杜蘅湖上
流鶯堪憶否一池鼓吹遠江城

贈李雲岑

楮頭處處狎樵漁客自韓山祝笨車葦戟風前看健犢蒿
竿影下夢枯魚雍邱事杳空流涕嶺外人傳再上書今日
文饒經畧在中興不數渡江初

答張別山

多難重逢恨不窮一樽聊與故人同荆門信斷三湘雨漢
口船歸千里風遊史傷心寒食後健兒空嘯月明中奮權

擊筑成何事猶望愚公向朔東

涂德公內史過訪

考證福建通志涂仲吉字德公漳浦人萬歷間入太學一日在金陵聞黃道周下詔投鴈而起曰仲吉當一行為朝廷保正士遂赴關上書通政司施邦耀有難色仲吉作色曰朝廷奈何使異儒者作納言乎疏上詔杖仲吉於長安門外下錦衣獄盛陳刑具鞫之指盡折與道周並論戍尋赦歸歐血卒

噉魚啣鼠復何其愁聽人間舞柘枝望帝自傷春老後遺
臣空夢鶴歸時一身潦倒西園路三載淒涼北寺詩不識
宣和書尚在閒披荆棘再摩碑

瀛洲亭畔古藤稀回首燕雲萬事非今日子行推獨坐當
年孟博許同歸五書不改鳩鷹老一飯空慙菟蕨肥海上

楊忠宣公遺集卷四
野館吟春暮聞鶉獨可傷夏田多宿草寒谷老柔桑戎馬
夫人春自在但聞謝豹忍相違

步自牛灣歸鹿江二首

清溪一曲許藏舟何事浮湘傲九州布穀聲中村鼓急杜
鵑開後旅心愁安能自負盧敖杖猶有人歸燕子樓澤畔
長吟非楚客不妨隨意泛沙鷗
桑陰十畝路荒茫漫笑嵇生醒更狂倦犢晝眠春水夢野
花時過午風涼看雲心緒愁難盡散髮行歌意已傷江漢
況今多虎豹又聞烽火近滯陽

讀親征詔恭紀

王圖開海甸天步啟東京瞻顧西南表重
申河雒盟曰予

有禦侮咨爾在陪卿外事從柔卜元戎向北征鄙封初協
未吉日越維丁三道分魚麗諸侯侍杖鉦蒼龍盤集路白
澤下秋城泰誓資甯物神功願息兵樓船通越會風雨動
蠻荆日月新姬序山川舊漢名坐看江左靜復見朔方清
七德歌成後猶聞鳴鳥聲

感遇

秋星初落後濕雨到如今黍稷懷風長著龜閱物深但餘
白水在獨向滌山尋不畏風濤近難分水石心

雨後感懷二首

野館吟春暮聞鶉獨可傷夏田多宿草寒谷老柔桑戎馬

何時息榕城盡日荒征夫憂未已轉戰滯他鄉
擾虎宜愚石驅烏信弱弓生涯蓬葆外行道苦匏中山倦
鳴鳩雨春悲華黍風所嗟題鳩後猶有輟耕翁

潭崗歸道

青青河上草及爾始爲春短檝黃花路垂楊白棘津空憐
山國盡猶有鞫人貧何限東門恨終慚峴北身
此地餘春在傷心感代吟煙塵去鳥濶風信落花深舊樹
流離暮寒溪春黍陰時聞新詔下長策屬平林
痛哭春風後頻傳罪已書野田畱幸草寒藻望枯魚漢法
期門重新軍祈父餘中原方有事賴爾任驅除

豈不懷吾土驅軍濂水過白波聊自息青犢復如何王室
多驅 峒雲未返戈不堪逢父老能聽隴頭歌

詔趨入直

鳳輝堂裏詔初回魚服貂弓次第催江上庾陶瞻楚節禁
中頗牧愧周才石城鉦鼓三山靜京口樓船萬里開况復
聖明勤遠畧大風猶向掠鷹臺

贈李尙書二首

朝聞驛使向江樓虎韞魚文耀列侯 服畫消南浦雨漢
家雲護北陵秋崆峒山下看雙節天柱灘頭領八州今日
傳呼新僕射臨淮依舊擁旌頭

旌一作貂

鵲印初傳詔尙方元戎小隊繞文昌江淮草木思方叔吳
楚山川識李綱明月衰衣諸將入秋風獵火角城荒諭問
故人珍重在中興自古舊南陽

過惶恐灘有感

樓前水氣與雲平散髮披襟自在行野鳥知人猶未息寒
風獨夜不勝情空山夕照深江樹明月灘聲下石城愁盡
關河極北望如今虎豹正縱橫
梧風楓雨鬢毛斑坐嘯沙蟲盡日閒彊醉逢人分木葉牢
愁無奈看秋山鶴猿自在灘邊宿江漢飄零夢後還遂使
南州爲異域知公何處塞函關

射獵沙頭問泛鷗幾村風雨付滄流隼旌盡繞關前路豹
尾高盤葉上舟坐嘯獨看孔渤海悲歌猶向柳司州干戈
未卜家何在敢爲秋山賦遠遊

西風黃葉下秋原閭巷猶聞百一存白馬城邊荆棘夢青
山亂後虎狼村已知殷武開南檄何處望北門自是
平生羞管趙不須回首問支園

答彭達生見懷

武山濼水自憐才偶爾夷門杖策來健鳥秋風鳴獨柳勞
魚夜雨上條枚芭田寂寂新軍靜盤道深深舊鬼哀同是
白鷺洲邊月何時重浣菊華杯

領軍使過青蓮山有感

七月登樓涕不禁重來十月倍傷心
溼稍夜火悲勞草秋石枯蠅下渴
礎狐鼠晝跳城郭在烽烟人老菊
花深只今不敢招鴻雁何處江邊
識舊林山前鬼火宿愁雲處處灘
流不忍聞癡掾未堪逢白醉鹿官
依舊嘯元文梁王關外三江卒都
護營中八字軍猶憶向時明月後
寒楓吹盡惜離羣

往虔乞師

南屏山下近何如又見南安秋後魚
五嶺不殊聞嘯虎三江誰許薦癡
車申胥自灑秦庭淚子羽猶傳漢
上書惆悵

北來消息盡相隨明月飲休屠

勸輸

休言漢代重師儒馬上功高可廢書
宦老馮唐知骨傲食貧司馬悵才虛
將軍却客誰懸榻屠釣揮金得擁車
我亦當場提傀儡悲酸歷盡獨漣如

舟中

瀟瀟樹影滿繩牀坐看星河過短牆
古戍蘆帆開雪浪誰家燈火出漁梁
故人藜黍尋常醉深院芰荷次第香
况是百年休戰地不堪愁鬢問三湘

丙戌元日

朝元閣下領高班稽首春風動百蠻九葉雲雷開萬國一時江漢擁三山宮中勝帖盤龍出杖裏勞樽藉草頌從此鎬南傳盛事年年虎豹護天關

黃華嶺外瑞雲齊白鷺洲前戰馬嘶五道將軍臨直北三江父老望征西春風斗帳降銅馬細雨戈船鬪水犀此日多方欣拜舞近臣應解賦鳧鷖

丙戌正月十三夜督府東行同諸子有作

畫鈴風雨下春洲夜度崑崙笑細候幾處旌旗瞻漢節羣公劔履滿庾樓故園烟火頻西怨嶺表魚書盡北流此夕燈前容易醉忍將簫鼓謝吳鉤

丙戌正月十五夜燈下見李花

江邊明月老漁烟穠李繁燈異昔年舊國流連寒水外故人珍重落花前共看火樹尋常夜獨醉春風三五筵諸將只今誰轉戰不堪燧燧滿山川

中秋夜坐章貢臺

橫笛中宵動客星一聲勞雁出沙汀瓦燈一作鐙未免聊同俗匏酌何須歎獨醒萬戶笙歌同夜戌百年風雨此秋亭諸公已草平淮檄欲薦蒲漿靜北庭一作諸公莫灑新庭淚半壁河山眼倍青

九月初二日與客啖壘啜粥而樂之

九月霜壘逢客儉廿年滋味與君同酸羹夜煮西窗雨薄

酒朝吟北塔風既不厭人秋水後何妨共飽落花中相逢
莫歎從軍樂三日依然舊阿蒙

丙戌九日忠誠南樓示將佐

兩年同作異鄉身九日重留望闕津虎帳夜深黃菊酒葛
衣秋老白醅巾將軍畫嘯慚文吏羣盜縱橫念舊臣羨爾
驅車南浦者依稀猶是太平人

年年羞見菊花開十度悲秋上楚臺半嶺殘陽銜樹落一
行斜雁向人來行雲永絕襄王夢野水偏傷宋玉懷絲管
闌珊歸客盡黃昏獨自咏詩迴

河西獵火照高樓五嶺風光異昔遊木葉看雲寒戌晚菊

花宜雨漢宮秋山城野幔開三市江表輕裘署九州且夕
功成莫釀熟憑君一笑舊田疇

雨中棲賢寺

補遺見廬山志

疊疊青山貼碧天遊人篤志向棲賢雲中石徑參差滑雨
後人家次第烟四境杳然迷出處十洲何必問神仙漫言
此地堪招隱笑指前途更着鞭



